

Čitanje sa malom djecom

Zašto trebate čitati sa vašim malim djetetom?

- Čitanje ima odlučujuću ulogu u razvoju vašeg djeteta. Glasno čitanje sa vašim malim djetetom pospješuje razvoj znanja potrebnih na početku školovanja. Vi time ne pokušavate naučiti djetę čitati, prije nego što krene u školu ali mu pomažete zavoljeti knjige. Vaše dijete će shvatiti značaj knjiga i uvidjeti njihov zabavni karakter.
- Glasno čitanje, takođe je vrijeme kada se zbližavate sa vašim djetetom. Slike i riječi u knjizi vam daju mnogo povoda za razgovor, smijeh i zabavu dok istovremeno provodite zajedničke trenutke.

Kada trebate početi čitati sa vašim djetetom?

- Nema tačno određenih godina kada početi ali je bolje što ranije. Neko kaže da je maloj djeci dobro početi čitati odmah nakon rođenja dok drugi smatraju da bi trebalo početi između 4 i 6 mjeseci starosti, kada djeca imaju određeni nivo kontrole glave tako da mogu sjediti u krilu.
- Vašoj bebi će se svidjeti da je držite u rukama dok sluša vaš glas i pokazujete joj slike u knjizi. Prema tome počnite što je prije moguće.



Kako često treba djeci čitati?

- Nema čarobne cifre, koliko dugo i koliko često. Mala djeca vole ustaljen red tako da se preporučuje navika svakodnevnog čitanja. To može biti navika kada se ide u krevet ali vi ćete možda primjetiti da vaše dijete voli čitanje knjiga u bilo koje doba dana samo zato jer mu se tako sviđa.

Kako ću navesti moje dijete da učestvuje?

- Vašem malom djetetu se sviđa vaš glas. Prema tome, isključite radio i televizor tako da vas dijete može nesmetano slušati. Ono će takođe biti pažljivije i moći će se usredotočiti na knjigu koju mu čitate.
- Posadite dijete blizu sebe ili na koljeno tako se i vi i ono osjećate komotno sa knjigom nadohvat ruku. Potaknite dijete da vam pokazuje stvari u knjizi i pustite ga da okreće stranice.
- Pustite vaše dijete da bira knjige za čitanje. Možda će htjeti čitati istu knjigu po nekoliko puta pošto zna šta dolazi sljedeće te će ga više zanimati. Zamislite kako dobro će se dijete osjećati kada bude u stanju izgovoriti riječ kojom završava rečenica ili opisati šta dolazi sljedeće. Kroz odrastanje će se mijenjati i zainteresovanost djeteta tako da će biti lakše pustiti ga da bira knjigu a s vama će dijeliti ono što ga interesuje.
- Igrajte se i zabavljajte. Sa knjigom možete započeti mnogo različitih aktivnosti. Vaše malo dijete će voljeti pokrete u ritmu knjige ili oponašati odgovarajuće akcije iz knjige. Mnoge priče su u obliku pjesama. Vaše dijete će voljeti pjevati uz priču.
- Postavljajte pitanja i pokazujte na stvari u knjizi. Pomozite djetetu da istražuje ono što vidi u knjizi. Pitajte ga da vam pokaže i objasni stvari koje mu se sviđaju i koje je vidjelo ranije, boje koje mu se sviđaju te da broji stvari na stranici.
- Učlanite se u biblioteku. Neka vam odlazak u biblioteku bude avantura sa knjigama. Dijete će se zabaviti birajući knjige i imat će veliki izbor. Možda možete ići i na sekcije "glasnog čitanja" u biblioteci. To će pokazati djetetu da mnogi drugi ljudi vole čitanje a možete se i dosta zabaviti.

Ovaj savjet o čitanju sa vašim malim djetetom je dio je programa Haj'mo čitatati kojeg je napravio Društveni centar za zdravlje djeteta u saradnji sa službom The Smith Family. Više informacija možete pronaći na www.letsread.com.au.

Ovaj Informativni list za roditelje dostupan je na različitim etničkim jezicima a za štampanje se može skinuti sa internet stranice Early Childhood Connections, www.econnections.com.au

Na inicijativu



Uz podršku



National Childcare Accreditation Council



Australian Government
Department of Family and
Community Services